

Transkription von Stadtbucheintrag HLK 1500a

Ort, Datierung: Lübeck, 1500-07-02

Signatur: Stadtarchiv Hansestadt Lübeck, Niederstadtbuch, fol. 1061, oben

Anno d(omi)ni [...] Visitationis Marie /

Hinrich St / ¹

De Ersame Rad to lubecke hebbe(n) hören leszen eyne(n) macht breff / van deme Ersame(n) Rade to
Brunswick vthgegeue(n) dar jnne / broder hermen Slichte vor eyne(n) vulmechtige(n) procu(r)ator
van / Jacobe van vechtele(n) eynes perdes halue(n) mit karste(n) Eggardes / to r(e)chte toghande
gemechtiget js beste(m)met welke(n) breff de ² / durch der sulue(n) broder herme(n) vorgebracht .
Welke(n) breff / de erscr(euene) Rad to lubecke na flitig(er) vorhoringe nabesprake vnde / rijpe(n)
Rade bij macht vnde werde gedelet vnde jrkant hebbe(n) jo=/doch bij sulke(m) beschede , dat de
gedachte broder herme(n) syne³ de erbe(nomede) / syne sake vor deme erscr(euene) Rade to lub(ecke)
vnde anders nergen(de) soke(n) / vnde forde(re)n wolde , Der sick denne desulue broder(e) herme(n)
mit / vrije(n) wille(n) vmbedwung(en) vorsecht vnde gelauet hefft , sodane / sake vor deme
erscr(euene) Rade to lubecke vnde anders nergen(de) toseke(n)de noch / vnde³ tofordere(n)de sunder
behelp vnde argelist Scr(iptum) van beuele des Rades , [...] ³ /

¹ gesamte Zeile durchgestrichen

² “welke(n) breff de” durchgestrichen

³ durchgestrichen